

Sunt ne diuersa doctrinarum genera lex et euangelium?

Diligenter hae duae partes verbi discernendae sunt et tamen sciendum est, nunquam a se inuicem haec genera doctrinarum diuellenda esse ac vniuersaliter ex euangelio sumendam esse legis declarationem. Sic autem lex et euangelium differunt. ⁵ Lex Dei, quae nominatur lex moralis, est sapientia aeterna et immota in Deo et norma iusticiae in voluntate Dei discernens bona et mala, quae est patefacta rationali creaturae in creatione et postea saepe repetita et sancita voce diuina in ecclesia ostendens, quod sit Deus et qualis sit et quod sit iudex obligans omnes rationales creaturas, vt sint conformes illi normae Dei, et damnans omnes ac denuncians horribilem destructionem omnibus, qui non congruunt ad illam normam Dei, nisi sit [8:] facta reconciliatio propter mediatorem iuxta dictum: „Maledictus, qui non manet ¹⁰ in omnibus, quae scripta sunt in lege.“²⁴ Item in Psalmo: „Non Deus volens peccatum, tu es. Odisti omnes, qui operantur iniquitatem“²⁵ etc.”

ⁿ⁻ⁿ Lex est doctrina aliquomodo naturaliter nota, quae praecipit, quales nos esse oporteat, requirens integram oboedientiam seu conformitatem cum Deo et damnans ac destruens omnes non conformes.: E

²⁴ Gal 3,10.

²⁵ Ps 5,5.7 (Vulg).